



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Druzbicki, Kaspar

Ingolstadii, 1732

VD18 90066332

Exercit. 5. Cum SS. Trinitatis Dignitate Collationis sui.

urn:nbn:de:hbz:466:1-45396

EXERCITIUM V.

*Erga SS. Trinitatem, per collationem sui ad
Dignitatem ejus.*

1. **C**ONstitue te coram Sanctissimâ Trinitate.

2. Constitue te, & omnia tua bona Animæ, Corporis, fortunæ, temporalia, spiritualia; præfertim gratias, virtutes, merita, quæcunque habes, si quæ habes, coram Deo, ex Dono divino.

3. Hæc omnia compara, & commensura cum Deo; ejusque, Eminentissimâ dignitate, & Majestate.

4. Commensura quoque hæc eadem, cum omnimodâ tuâ ad Deum obligatione.

5. Et in specie, compara te, tuæque bonas, tuas excellentias, cum innumerabiliter multiplicibus, iisdemque simul inextinguibilibus ante Deum debitis tuis, reatibusque tam culpæ, quam pœnæ temporalis, æternæ, damni, & sensûs, præsentis, futuræ, exterioris, & spiritualis.

6. Agnosce, atque confitere, te sic Deo, ejusque Majestati & Dignitati, Perfectioni & Sanctitati comparatum, merum Nihil esse, nihil habere, nihil valere, nihil posse, nihil adhuc coram Deo boni egisse; imò bona acta, vix, ac ne vix quidem boni nomine digna esse; & non tantum nihil illis apud Deum promeruisse; verum etiam demeruisse; ac digna suppliciiis plagisque peregisse; Nihil omnino propter Deum laborasse, aut sustinuisse; aut in ejus obsequium gloriamve expendisse; quod si quid peregisti id potius, & magis Dei, quàm tuum esse; teque ex eo ipso, coram
Deo

Deo debitorem, solvendi impotem, esse; nec ullam debitorum particulam exsolvisse, aut expi-
asse.

7. Ah miseram dignitatulam copiolarumque tuam, Deo collatam! tantoque magis inanem, ac nullam, quanto majori collatam, atque compositam! O verè non magnificabitur nec justificabitur homo compositus Deo! sicut fuligo non albescit composita nivi, sicut lutum non fit pretiosius compositum auro.

8. Erubescere, & exhorrescere Nuditatem, Nul-
litatemque tuam.

9. Obstupescere, & superobstupescere Eminen-
tiam, Majestatem, Dignitatem, Perfectionem, Sanctitatem, Plenitudinem, opulentiamque Di-
vinam; quam, sacro & devoto horrore perfusus, penetratusque, demissimè venerare.

10. Exsuscita in te majorem, majoremque in Deum liberalitatem, & quam multiplicissimè multiplica fervorem serviendi Deo, studendi placere Deo, exaltandi Deum; laborandi & patiendi pro Deo; expediendi te à debitis, quæ habes coram Deo.

11. Atque dic cum Prophetâ; *Nunc capi*; re-
nova velut Aquila juventutem Spiritûs tui; & tanquam hodie primùm, de novo aggredere ser-
vitium Dei; exaltationem, magnificationemque Dei; impensionem, & superimpensionem, evi-
scerationem, & annihilationem tui, Deo, & pro-
pter Deum.

12. Et cum omnia feceris; dic nihilominus; servus inutilis sum, quod debui facere, feci; & tamen post hæc omnia Nihil sum.

PRAXIS.

G: 12
oper
Tot
N
5

P R A X I S.

Sanctissima, Dignissima Trinitas, DEUS; Ecce totus ego, & universa Bona mea, dignitatesque ac merita mea in conspectu tuo. Ecce labores, ecce passiones meae propter te; ecce Virtutes, & opera, & perfectiones meae coram te. Heu! quam omnia misera! quam modica! quam scatentia sorde! quam nulla! comparata praesertim, supersuperque Dignissimo & Ditissimo tibi Deo. Adjuva Domine infirmitatem, nuditatemque meam. Auge robur, auge promptitudinem, auge fervorem, auge constantiam. Volo Domine abhinc tibi ferventiùs, ardentius, liberalius, ignitius, constantius, perfectius, solidiusque deservire pro te laborare; pro te pati; pro te impendi; pro te profundi; pro te exhauriri; pro te exinaniri; pro te annihilari; & tuum Divinum beneplacitum exequi; dignitatem exaltare; Gloriamque magnificare; & superexaltare; digne te, propter te, toto me, toto te, in aeternum & ultra, & amplius, atque amplius.

EXERCITIUM VI.

Erga SS. Trinitatem per Eviscerationem Universi in Charitatem ejus.

1. **C**onstituete coram SS. Trinitate, cum tota Creaturarum Universitate in te transformata, tibi que impersonata, ita ut tota illa tu; & vicissim Tu, illa tota fias. quemadmodum in Deo omnia sunt unitate sibi devincta, tanquam unius Patris filii, cui & dicunt omnia; Pater noster.

2. Toto te, sic omnibus Creaturis conjuncto,